

Scéal, Scéal, Scéal...



22 Meán Fómhair 2022 || Eagrán 115

Scéilíní, nuaíocht agus fógraí as Cois Fharraige.

Nóta ó na hOifigigh Pleanála Teanga...

Ba bhreá linn cloisteáil uaibh, a chairde! Má tá teachtaireachtaí nó scéalta tábhachtacha agaibh le scaipeadh, ná bíodh drogall ar bith oraibh teagmháil a dhéanamh linn: optchoisfharraige@gmail.com Cuireann muid fáilte 's fiche roimh scríbhneoirí an cheantair freisin má tá píosa agaibh le foilsiú - alt faisnéise, filíocht, nuaíocht nó fógra. Fáilte roimh chách! Tá súil againn go mbainfidh sibh taitneamh as an eagrán seo.




FADHB LE SOLÁTHAR UISCE

Fógraíodh le gairid go bhfuil an iomarca mangainéise san uisce ag tíocht ó Scéim an Spidéil agus comhairlíodh do dhaoine i gCois Fharraige gan an t-uisce a ól, ná a úsáid i gcócaireacht ná le fiacra a ní. Fiú amháin má tá an t-uisce bruite roimh ré ní bhaineann sé an dochar as an uisce. Cois Fharraige - ó Na Forbacha siar go Ros a' Mhíl atá i gceist agus beagnach 6,000 custaiméir de chuid Uisce Éireann buailte ag an bhfadhb uisce. Tá soláthar uisce le fáil ó dhabhachanna atá feistithe ag Séipéal an Chnoic agus ag Seanchéibh An Spidéil, chomh maith le háiteanna eile. Ach ní mór an t-uisce ó na dabhachanna a fhiuchadh le go mbeidh sé sábháilte le n-ól.

SCÉIM AN OIREACHTAIS - TUISMITHEOIRÍ NA GAELTACHA

Tá scéim á reáchtáil ag Tuismitheoirí na Gaeltachta arís i mbliana le deis a thabhairt do dhaoine óga (aois bunscoile nó meánscoile) páirt a ghlacadh i gcomórtais an Oireachtais. Cuirfear ranganna ar fáil do na gasúir le scoth na dteagascóirí ar feadh ceithre seachtaine roimh an Oireachtas! Caithfear gasúir a chlárú do na comórtais trí glaoch ar 091 869571 nó is féidir ríomhphost a sheoladh chuig eolas@tuismitheoiri.ie roimh 4i.n ar an Aoine seo, 23 Meán Fómhair.



 Tuismitheoirí na Gaeltachta

Ar mhaith leat go nglacadh gasúr leat páirt i gcomórtais an Oireachtais?
SEO DO SHEANS!

Tá scéim á reáchtáil ag Tuismitheoirí na Gaeltachta arís i mbliana le deis a thabhairt do dhaoine óga (aois bunscoile nó meánscoile) páirt a ghlacadh i gcomórtais an Oireachtais:

SCÉALAÍOCHT - AITHRISOIREACHT - AGALLAMH BEIRTE LÚIBÍNÍ - AMHRÁNAÍOCHT AR AN SEAN-NÓS AGUS DAMHSA AR AN SEAN-NÓS

Spriocdháta le clárú:
Roimh 4pm Dé hAoine 23 Meán Fómhair 2022

Cláraigh Anois!

Caithfear gasúir a chlárú do na comórtais trí teagmháil a dhéanamh linn ag:
091 869571 / eolas@tuismitheoiri.ie



RANGANNA JIVEÁLA



Tá Ranganna Jiveála do Dhéagóirí Meánscoile á reáchtáil ag Fóram Chois Fharraige um Pleanáil Teanga i gcomhpháirt le Tuismitheoirí na Gaeltachta. Cuireadh tús leis na ranganna ar an Luan 12ú Meán Fómhair ag 7:30i.n. ach is féidir clárú fós! Cúrsa ceithre seachtaine a bheas ann. Beidh na ranganna ar siúl i Halla Pobail Ros an Mhíl agus gearrfar táille de €20 in aghaidh an duine ar an gcúrsa. Moltar clárú roimh ré, go luath, de bharr go mbeidh spásanna teoranta. Is féidir teagmháil a dhéanamh le meadhbh@tuismitheoiri.ie nó 091 869 571 le clárú nó má tá tuilleadh eolais ag teastáil uait.

Ranganna Jiveála do dhéagóirí meánscoile

Dé Luain ó 7.30i.n - 8.30i.n.

Cúrsa 4 seachtaine
ag tosú 12 Meán Fómhair

i

Halla Pobail Ros an Mhíl

Costas €20 an duine

Tuilleadh eolais & clárú:
meadhbh@tuismitheoiri.ie / 091 869 571

Spásanna teoranta! Caithfear clárú roimh ré!
Is í an Ghaeilge teanga na hócáide agus iarrtar cloí leis seo



RANGANNA GAEILGE DO THUISMITHEOIRÍ

Tá Ranganna Gaeilge do Thuismitheoirí á reáchtáil ag Fóram Chois Fharraige um Pleanáil Teanga. Cuireadh tús leis na ranganna le gairid ach tá fáilte roimh fhoghlaimheoirí nua fós. Beidh na ranganna ar siúl ar an Déardaoin @ 7i.n. in Inis Fáil, sa Spidéal. Le tuilleadh eolais, nó le clárú do na ranganna, is féidir teagmháil a dhéanamh le optchoisfharraige@gmail.com nó 083 010 6294. *Irish Classes for parents take place every Thursday @ 7pm The course will last six weeks, and will take place in Inis Fáil, Spiddal. To register, please contact optchoisfharraige@gmail.com or 083 010 6294*

FÉILE CHOIS FHARRAIGE 2022

Ní fada anois go gcuirfear tús le Féile Chois Fharraige 2022. Tá sceideal lán go béal againn i mbliana idir imeachtaí litríochta, filíochta agus ceoil! Chomh maith le sin, seolfar leabhar le Fearghas Mac Lochlainn darbh ainm 'An Slipéar Gloine' agus beidh comóradh ar shaothar de chuid Cathal Ó Sándair - le plé ó aoichainteoirí éagsúla agus taispeántas den scoth. Caithfear roinnt ama amuigh faoin aer le linn na Féile freisin le siúlóid teaghlaigh ar an Satharn le Macdara Ó Cuaig agus siúlóid do dhaoine fásta ar an Domhnach le hEoin Ó Tuairisg. Foilseofar sceideal iomlán na Féile go luath, ach le tuilleadh eolais a fháil faoi imeachtaí na Féile nó ticéid, is féidir teagmháil a dhéanamh le optchoisfharraige@gmail.com nó 083 010 6294.





Ranganna Gaeilge do Thuismitheoirí

(Irish classes for parents)


Ranganna ar fáil do dhaoine le roinnt
Gaeilge atá ranganna déanta
acu cheana féin.

(Classes suitable for parents,
who have some Irish
and have undertaken classes before.)

Déardaoin 15ú Meán Fómhair
(Thursday 15ú September)

Le clárú (Register):
optchoisfharraige@gmail.com

083 010 6294





**Amhráin, Ceol, Filíocht,
Ealaín, Litríocht, Scannán, Siúlóidí**

Sonraí Teagmhála

083 010 6294

Ríomhphost: feilechoisfharraige21@gmail.com

Facebook: Féile Chois Fharraige

Twitter: Féile Chois Fharraige




FOLÚNTAS: LÉIRITHEOIR CÚNTA

Tá Aniar - na léiritheoirí teilifíse atá lonnaithe i gCorca Dhuibhne agus i gConamara - ag glacadh le hiarratais anois do phost mar Léiritheoir Cúnta. Beidh an Léiritheoir Cúnta ag plé le cláir faisnéise agus ceoil don chuid is mó. Tá sé tábhachtach go bhfuil taithí sa ról ag iarrthóirí agus gur duine dearfach, díograiseach agus muiníneach é nó í. Ní mór go mbeadh an té a éiríonn leo sásta a bheith mar bhall de fhoireann. Ní mór scileanna ríomhaireachta agus cumarsáide láidre a bheith ag iarrthóirí chomh maith le ceadúna tiomána glan. Tá sé tábhachtach go bhfuil Gaeilge líofa idir scríofa agus labhartha ag iarrthóirí. Is féidir litir iarratais, chomh maith le cóip de do CV a sheoladh chuig eolas@aniartv.ie roimh 12 meánlae, ar an Déardaoin 29 Meán Fómhair le suim a léiriú.

TRÁTH NA GCEIST

Tá Tráth na gCeist á reáchtáil ag Coiste na nÓg - CLG an Spidéil ar an Aoine 7ú Deireadh Fómhair. Cuirfear tús leis an imeacht @ 8:30i.n. sa gCrúiscín Lán, sa Spidéal. Tá costas €40 ar bhord de cheathrar. Beidh crannchur ar an oíche freisin, le duaiseanna iontacha le buachan. Le níos mó eolais a fháil faoin oíche, nó le bord a chur in áirithe is féidir teagmháil a dhéanamh leis an gclub ar a gcuntas Facebook: CLG An Spidéil. Go n-éirí go geal libh!





RANGANNA GAEILGE

do dhaoine fásta

Ranganna Gaeilge do thosaitheoirí
(Irish Classes for beginners)

Dé Máirt 20ú Meán Fómhair

Inis Fáil, An Spidéal (H91 X63V)

(cúrsa 6 seachtaine a bheas ann)



Moltar clárú roimh ré ag
optchoisfharraige@gmail.com
(register early to avoid disappointment)





COSÁN NA NAOMH

Ní fada anois go mbeidh saothar úrnua ceoil leis an gceoltóir agus cumadóir iomráiteach Máire Breatnach, á léiriú ag Stiúideo Cuan sa Spidéal. Meascán de cheol agus filíocht a bheas ann, a thabharfaidh léargas ar leithinis Chorca Dhuibhne agus stair ársa an cheantair Gaeltachta seo. Beidh an veidhlín agus viola á sheinm ag Máire Breatnach in éineacht le Mick O' Brien ar na feadóga agus na píob uilleann, chomh maith le Noreen O' Donoghue ar an gcláirseach le dearadh fuaime ó Stephen O' Brien. Cuirfear tús leis an sraith nua ar an 27 Meán Fómhair, agus críochnóidh sé ar an 1 Deireadh Fómhair. Tosóidh sé @ 8:30i.n. chuile oíche. Tá an togra seo á reáchtáil ag Stiúideo Cuan i gcomhar le hEalaín na Gaeltachta agus An Chomhairle Ealaíon. Is féidir níos mó eolais a fháil faoi Chosán na Naomh ach teagmháil a dhéanamh le Stiúideo Cuan ag 091 553838 nó is féidir ticéad a cheannach ach 'Cosán na Naomh' a chuardach ar Eventbrite.




Cosán na Naomh

Coimisiún nua Ceoil le **Máire Breatnach**

**Máire Breatnach | Mick O'Brien
& Noreen O'Donoghue**

**Máirt 27 Meán Fómhair -
Satharn 1 D.Fómh. @ 8.30pm**



CLUB SCANNÁN SAILEARNA

Tar éis briseadh don samhradh beidh na scannáin ag filleadh ar Sheanscoil Sailearna ar an Déardaoin 29 Meán Fómhair. Idir sin agus an Nollaig, taispeánfar deich scannán ó thíortha éagsúla sa tSeanscoil, dhá scannán Gaeilge ina measc. Ar an liosta scannán don séasúr tá 'An Cailín Ciúin'. Scannán iontach Gaeilge atá ann agus is iomaí duais áta buaite aige ar fud an domhain chomh maith le hard mholadh ó léirmheastóirí. Taispeánfar 'An Cailín Ciúin' ar an Déardaoin, 6ú Deireadh Fómhair, le linn Féile Chois Fharraige. Tá liosta iomlán na scannán a bheas á dtaispeáint idir seo agus an Nollaig le fáil ar an suíomh idirlín

www.clubscannan.ie áit a bhfuil

eolas faoi bhallraíocht a shocrú, nó ticéad a cheannach do scannán.



CLUB CEARDAÍOCHTA

Ní fada anois go gcuirfear tús le Club Ceardaíochta i Ros an Mhíl. Faoi threoir Patricia Ní Chonghaile a bheas an cúrsa agus beidh meascán de phéinteáil, clé agus seodra idir lámha ag na rannpháirtithe. Beidh an cúrsa feiliúnach do ghasúir idir 7-12 bliain, agus mairfidh chuile sheisiún ó 9-11:30r.n. ag tosú ar an Satharn 1 Deireadh Fómhair ar feadh cúig seachtaine, in Ionad Pobail Chois Cuain.

Le spás a chur in áirithe, is féidir teagmháil a dhéanamh le Patricia - chomh luath agus is féidir - ag 087 746 9387

